

【國家社會科學基金重大項目】

何建明

主編

中國地方志  
佛道教文獻匯纂

人物卷

(114)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志  
佛道教文獻匯纂

人物卷

（114）



國家圖書館出版社

中國地方志佛道教文獻匯纂·人物卷  
四川省 成都市

# 金堂縣志

清·謝惟傑修 黃烈 陳一津纂  
清嘉慶十六年（一八一—）刻本 縣衙藏版

金堂縣志

卷六

寺

方外

三代

李八百 蜀人名脫初居筠陽之五龍岡又修煉於華林山石室周穆王時還蜀中學道於金堂山龍橋峯下歷夏商周丹成已八百歲人以李八百稱之今邑東三學山其遺蹟也道號紫陽真人

吾鼎三日記

太平廣記李脫當周穆王時已八百年居金堂棲賢山以其三於此山學道又謂之三學山按諸書所載仙人

號李八百者凡四居金堂三學山者名脫居簡州八百  
山者名和晉抱朴子所稱者名阿宋魏漢津所遇者名  
良俱年八百歲一云動則行八百里時人因以爲號云  
妙應真人 李八百女弟或云其女也邑東北十五里有  
仙人井相傳女於此取水煉丹又峽口金船及仙女家皆  
其遺蹟得道封妙應真人

六朝

迦葉如來 亦稱歡喜王菩薩僧大覺初來三學山見臥  
碑云迦葉如來復於此山爲諸菩薩印證果地有千輻輪

金堂縣志

卷一

二

足云云今碑已亡不可考矣

唐

鑑源 開元中於三學山講華嚴經感聖燈不見菩薩

放光見高僧傳

王頭陀 號靜照天寶末扈駕幸蜀遂居雲頂山貞元十五年卒薛倕爲撰塔銘先是寺有栴樹已枯石離而爲二頭陀曰五百年後寺當廢若栴再生石再合然後復興至宋宣和中因黃冠議遷塔白神山建炎三年始歸故所果如其言

趙頭陀 號末詳天寶末扈駕幸蜀遂居三學山餘無可考

慧觀 貞元中高僧常詣三學山巡禮聖蹟聞裴氏所養鸚鵡能持六齋之禁歿有舍利十餘粒涕淚悲泣請以舍利建塔南康王韋臯爲撰記

如舜 居龍槐院卒節度使杜悰爲撰塔銘

智炫 居三學山武宗時廢佛教炫抗旨奏對上服者三後同蜀年百有二建塔普濟寺側

悟達 名知采寓三學山講十地經感地變琉璃

入戒 李商隱有爲八戒和尚謝復三學山精舍表  
行遠 咸闕年募衆重建明教寺周圍三里雄峙一方  
賜號淨土寺

宋

文紀 居慶善院院本名天王天聖中賜名慶善紀所  
赫修也爲舍五百楹

化之 文紀弟子建千手眼大悲菩薩閣於金堂山絕  
頂積十五年而功乃成又於山南爲屋百楹千手所持皆  
金珠犀象所費不貲黃山谷爲之記



寶覺

號宗印居雲頂山一日普說罷召衆曰諸弟子

未要散去更聽

偈乃曰四十九年一場熱鬧八十七春

老漢獨弄誰少誰多一般作夢歸去來今梅梢雪重言訖  
下座倚杖而逝見指月錄

德敷

居雲頂山成都帥請就衙升座有樂營將出禮

拜起回顧下馬臺曰一口吸盡西江水卽不聞請師吞却

階前下馬臺師展兩手唱曰細抹將來營將猛省見指月

錄

居靜

宣和中因寶冠議毀佛寺遷靜照塔於白神山

靜奮不顧命瀝血天廷龜勉八年生死一節及靖康卽位始還靈骨於雲頂山再建石塔並諸亭舍以奉香火

智珪居金輪寺光寺爲惠覺剋建圯於水珪乃重修增益經律傳集五千四百八十餘卷旣繙之爲七十有八又約之爲五十有九某餘俱以般若名云

元

了

至元中重修護國朝天寺卽雲頂山萬戶府明

威將軍達石八都魯助之殿宇爲之一新

明

文雄 洪武中重建明教寺增置鐘樓西塔戒行一時  
無二

法心 文雄弟子景泰中增修明教寺始濬金剛池於  
寺前

行安 成化中重建雲頂寺始終五年杜銘爲撰記  
國朝

普侍 號竺意破山高第歷游秦楚吳越間十餘年乃  
歸雲頂寺自獻賊兵燹雲頂殿宇蕩然無存竺意乃重闢  
榛莽建宇其上命其徒福安次第修舉戒行清高不愧爲

開山祖云

福安 號松應助師開闢雲頂願力特堅諸山勦業惟

竺意得襄助之人

性智 號大覺康熙初習靜三學山中見臥碑嘆曰此

迦葉佛之道場也遂栖止其間然蛇虎比鄰榛莽硤道世  
鮮知之及昭覺僧通醉攜其徒荷鍤來游始知有大覺在  
焉相傳大覺無他伴侶惟一虎供奔走山徑旣通虎乃避  
去然有急難呼之仍至以故人無敢欺者至其徒某始募  
修殿宇云

斌 彥 本成都草堂寺僧康熙中來游雲頂駐錫老龍院後復延歸草堂彥嫌近市煩囂又退住明教寺年八十餘屏絕塵俗仍歸香林而淨休焉時侍者見荒山岑寂快快散去彥怡然自安後有女流十數輩來求皈依矢志苦修刀耕火耨之餘以女紅增修殿宇梵唄之音而夜不絕厥後遂爲尼庵而彥實其開山祖也

天 申 居繡水寺能詩與邑紳趙近思唱和甚多示歲後稿逸無存

祥 芳 號慧錫松應弟子能繼師志自捐苦積修葺雲

金堂縣志  
卷之  
頂山諸刹宇視前此之構造十倍其功巧思苦行超越前人  
人多矣

本傳 號紹曇居景峯山苦行精修了然來去一時文  
士咸敬禮之詳本傳

苦行上人紹曇傳

高兆魯

厚夫

金新漢之境有景峯山紹曇上人掛錫於茲經五十餘  
年示寂後人咸謂其自奉儉約而培護祇林則有加無  
已誠無愧苦行也適其徒某徵傳於予因爲述其行事  
俾來者知上人之苦行是卽上人之有得云先是院之

前僧半皆不謹戒律始由漢州之東勝寺延上人主之  
既至喟然曰淨域無小大然一荒敗卽寺僧之辱矧三  
邑香火奈何任其湫隘若斯夫有寺而不莊嚴與有僧  
而不經理等衲雖懦奚難竭力振興乎方是時上人年  
未三十聞者見其襤褸被體粗糲充腸出言若近於訥  
與人若近於疎雖品地素端精修不已然一味樸拙畧  
無琦異咸半疑信置之亡何而觀音大殿卽修於初年  
之中前所興田盡贖於二年之後人始漸信之後則每  
逾數年必有創建必有重修必有增置收贖井井不紊

俾登福地者盡生歡喜心蓋至是乃服上人之見於言者果措於行銳於始者卒勤於後矣上人於凡有利濟者靡不隨手應之無難色生平不作詩文字畫不習諸家雜技不來語言文字禪惟蒲團麈尾掩關閱藏按時課誦至老不輟暇或負暄日中取破衲而補之見鄉愚子弟輒喜談因果曰此勝閒話多矣予南遊幾二十載比還而上人已西歸曾未獲與之究竟死生爲可惜也猶憶十餘歲時閒過庵中見上人坐斗室近地爐煨槽枥於破鐵鍋中煮大葉苦茶客至並無寒暄卽取茶餉



之久與晤對泊然忘吾其大致多類此居恒語其徒曰  
不二門中能悟真空斯能斬葛藤能度隨緣斯能種善  
果故戒除葷酒雖若小端然恒以持之實絕諸慾之媒  
也儒家稱大禹之菲飲食惡衣服惡旨酒及說者謂魯  
男子爲善學柳下惠皆是此意且西來大意不在饒舌  
吾始終得力不過死心堅苦不嫌樸拙嘿求解悟而已  
上人名本倩柳州李氏子少具根器年八歲投金螺山  
續明和尚落髮十八歲再叅松堂和尚受戒住持寶慶  
之朝陽庵雍正壬子年二十由楚入蜀凡勝蹟名山皆